

Mbunda - Visoneka - Protection Scriptures

Njlemyia 1:18 Co yange njikakupwisa nganda yakukola manene, nambe ngwe manda ya vutale, nambe civumbe ca vunengu, mukulwisa lifuti lyoshe, vimyene voshe va mu Yunda, na vamyata vamwo, na vaka-kukombelela vamwo, na vanu voshe va mu lifuti.

Ezekiyele 3:18 Nga njikuleka ngwange muka-vuvi atsa, oloni yove kuumunangula ngeci atunde ku vingila vyendi nakwamena mwonyo wendi, ikeye akatsa, anga acili muka-vuvi, oloni mulonga wa kutsa kwendi ukakala ali yove.

Njlemyia 6:27 Njelemyia, eseka vanu vange ngwe muukeseka vutale, uwane ngeci vanafu vati.

VaLevi 26:19 co njikamanesa likamba lyeni, na kulyalesa kweni kwakuvi. Kukukakala nyonzi yai, lifuti likominina cau ngwe mulyakola limanya.

Kwituluka mu Mashiko 23:5 Nameme ngoco Shukulu Kalunga Njambi yeni katolililile kuli Mbalame, oloni watengulwile cisingo kucipwisa civezikiso, omwo Shukulu Kalunga Njambi yeni wamizemene.

Loma 12:21 Kesi mutave vuvi yumihyane, oloni hyaneni vuvi na vuvwa.

Myaso 143:8,10 A mutondo a mutondo, njanukise vy a cizemo cove, cije kucesi kutenguluka omwo njinakulaela kuli yove. Malombelo ange ete kuli yove, njimwese ngila munjinapande kwendela. 10 Njilongese kulinga cizango cove, omwo yove wapwa u Njambi yange. Munzinzime wove wauvwa, unjtwamenene mu ngila yaiwva.

Myaso 94:12 Navezika munu uje iwulongesa yove Shukulu Kalunga, munu uje iwulongesa lishiko lyove.

Visimo 27:12 Vaka-mana omo vamona tuyando twija, co vatwongoloka, oloni muka-kujeneka kuyongola akovelamo, co kulutwe aliveya.

Filipu 2:16 omo muvambulwila lijwi lya mwonyo. Nga mulinga ngacije, njikakala na cuma cakulyalesela ali yeni a Litangwa lya Kilistu, omwo eci cikasholoka ngeci nzili yange yoshe na vipangi vyange kuvyaile mwangoco embwe.

Isaya 49:4 Njendekele ngwange, "Njinapanga, oloni vipangi vyange vinapu vyangoco! Njapangesa nzili yange yoshe, oloni nacimo cai cinjinamanesa." Oloni nameme ngoco, vije vyanjipande vili mu mavoka a Shukulu Kalunga, co Njambi yange akanjana cikandelela a vije njilinakulinga.

Myaso 76:3 Wapokozwele mikili ya vitozi kuje, na vintelo vyavo, na vimoko vy a mukwale, na vitwa vyavo vyoshe vy a nzita.

VaHevelu 13:21 amyane vyuma vyoshe vyavivwa vije munajeneka ngeci mulinge cizango cendi, ngeci apange muli yeni vije vimuvwaelelesa ali Yesu Kilistu. Co kuli ikeye kukale vumpau ku myaka na myaka! Ewa.

1 Kolinte 16:15 Munazivuka Setefanase na naanga yendi, vakevo vaka-Yesu

vakulivanga kutenguluka mu Akaya, co vanalyana vakevo vavenya kupangela vanu va Njambi. Njimilambelela, vavusamba vange,

Filipu 1:27 Ngecivene, cuma cakama manene eci, myonyo yeni iyoye ngwe muushaka muzimbu wauvwa wa Kilistu, ngeci nambe njasa kwija nakumimona nambe embwe, njakuziva ngeci munemana mbe a vutumbe vuno, co na cizango cimolika mulinakulwa amolika akukulaela a muzimbu wauvwa.

1 Kolinte 15:58 Ngecivene, vavusamba vange va cizemo, imaneni mbe kujeneka kuwa. Simbu yoshe pangeni na nzili mu vipangi vyeni kuli Mwene, omwo munazivuka ngweni vipangi vyeni mulinakupanga muli Mwene kuvyesi nakuya mwangoco.

Kolose 4:12 Viindu vyeni kuli Epafalase, mukweni umo wakundama ku munga yeni uje napu ngamba ya Kilistu Yesu. Ikeye simbu yoshe akamyanuka mu malombelo endi, nakulomba Njambi ngeci amikolese nakwimana mbe, ngwe vaka-Yesu vanakolo mu vu Yesu, na na mukwononoka kwoshe ku cizango ca Njambi.

2 Vimyene 19:34 Njikamena nganda eyi nakuyinyunga, omwo lizina lyange, na omwo cikulaeso njalingile kuli ngamba yange Ndaviti.’ ”

Njlemiya 15:20,21 Njikakupwisa ngwe cimpaka cakukola manene ca vunengu kuli vanu ava. Vakevo vakakulwisa, oloni kuvakakufungulula embwe. Yange njikakala amo nove nakukunyunga mwamuvwa. 21 Njikakwamena ku nzili ya vaka-vuvi na kuli vanu vavavi. Yange Kalunga, njinendekamo.”

Myaso 55:18 Ikeye akanjiilwisa mwamuvwa ku nzita ije injilwa na vitozi vavangi manene.

Ezekiyele 30:24 Asinoni njikakolesa mavoko a mwene wa Mbambilone nakwaka mukwale wange mu mavoko endi. Oloni njikapokola mavoko a mwene wa Ingito, co akakemanga nakutsila ku mesho a vitozi vendi.

Kujombolola 3:18 Ngecivene, njikunangula ngeci ulande ngolinde kuli yange, ngolinde yakujela, ngeci ufuke. Co lalo landa vuzalo vwakutoka uzale ngeci ufwike mutotototo wove wa shwamwa. Co lalo landa cemba cawkaka mu mesho ove, ngeci wase kumona.

1 John 3:17 Nga yetu tunafuku, co tumona vakwetu vanajeneka, co tukala na vukundwisi mu vimbunge vyetu kujeneka kuvakwasa, vatijo twendeka ngwetu tulinakuzema Njambi?

Isaya 50:4 Shukulu Kalunga wa Akamwa ya Vyoshe nanjilongesa vije vyakwendeka, ngeci njase kutakamesa vaje vanajuka. A mutondo na mutondo akanjiindula ngeci njizive vije vyanjilongesa.

Myaso 18:39 Omwo yove unanjana nzili yakulwa nzita nakufungulula vitozi vange.

2 Samwele 22:40 Unjana nzili yakulwa nzita nakufungulula vitozi vange.
Myaso 89:43 Kuwamulwililileko mu nzita, co unamwecelela ngeci vamufungulule.

Ezekiyele 13:6 Vimona vyavo vinapu nya makuli, na vuka-kwimanena vwavo vunapu vwa makuli. Valinakwendeka ngwavo valinakwambulula majwi ange, oloni kunjavatumine embwe. Oloni vashaka ngeci majwi avo apwe a vushunga!

VaLevi 26:37 Vakalitanozoka umo na mukwavo ngwe kuli munu umo alinakuvashuka, co kuvakakala na nzili yakulwa na vitozi vavo.

1 Kolinte 14:8 Co nga munu kasa kwimba mwamuvwa lupembo Iwakusana, iyajo alivwaesela kulwa nzita?

Yombi 15:24 Ikeye ali mu kayando na ñavava, vyuma vije vimuzivisa lyova, ngwe mwene uje alivwaesela kuya ku nzita.

1 Mizimbu 12:8 Awa akewo mazina a mashwalale va mana, va ku muyati wa Ngande vaje valipandakanene mu nzita na mashwalale va Ndaviti omo wakele mu cimpaka mu mambo. Vakevo vazivukile kulwa manene na vintelo, na makunga, co vihanga vyavo vyapwile nya kuluvala ngwe vindumba, co vakele na lumbisi ngwe vishonge va ku munkinda.

1 Mizimbu 12:33,38 Kuli Zembuloni kwatundile vanu 50,000 va ku vumwene, vakunyanyama vaje valivwaeselele cimweja kulwa, vavalongesele kupangesa miyati yoshe ya vitwa. 38 Co mashwalale voshe ava, valivwaeselele cimweja nzita, vaile ku Hevelone, vayongwele kupwisa Ndaviti mwene mu Isalele mwoche. Co vanu va Isalele voshe valizivasanene mu vutumbe ovu.

Luka 10:19 Tolilileni! Njamana moko ngeci mukalyatangele manyoka na manyewe, nakuhyanza nzili yoshe ya Citozi, co nacimo cai cikamivulumuna.

2 Korlinte 7:10 Omwo vusiwa vwa cizango ca Njambi navupangesa mukumitwala kukutenguluka kwa vimbunge vyeni nakumitwamenena kukwovoka, co eci naumo wai asa kucivyana! Oloni vusiwa vwa ku cisemwa ca vunu vutwala ku kutsa.

2 Timateo 2:25,26 walyovwa-ovwa omo ashungamesa vaka-kumulwisa, amo Njambi akavana simbu yakutenguluka ngeci vazivuke vushunga. 26 Co asinoni vakatenguluka ku mana avo ngeci vatewe ku mweto wa Liyavola, uje navakwata nakuvapwisa vaka-kwononoka cizango cendi.

Nehemiya 4:15 Vitozi vetu vazivile ngeci tunawana laja vije vivayongwele, co vanangukile ngeci Njambi nahyana matumbe avo. Asinoni tuvavoshe twelukile mukutungulula civumbe.

Myaso 73:24 Yove unjitzwamenena na mana ove, co akukotoka ukanjitambula na kasingimiko.